

Ադրբեջանի ներկայացուցիչը մասնացույց է անում Մոսկվային

Վերջերս Ադրբեջանի ժողովրդական ճակատի ղեկավարներից Էթիբար Մամեդովը եղել է Վաշինգտոնում, որտեղ Kennan Institute for Russian Studies-ում տված մի դասախոսության ընթացքում հայտարարել է, թե Հայաստանի և Ադրբեջանի միջև ընդհարումները քաշալերվում են Մոսկվայի կողմից, պատժելու համար ղեկավարատական շարժումները և պարտադրելու, որ հանրապետությունները մնան Խ. Միության կազմում: «Վստան հմ, ասել է նա, որ Հայաստանում սեպտեմբերին կայանալիք հանրաքվեից առաջ նոր լարվածություն է ստեղծվելու: Կենտրոնը պիտի փորձի համոզել, որ ոչ Ադրբեջանը և ոչ էլ Հայաստանը չեն կարող առանց իրեն վերապրել»:

Քսան ըստն տևած իր ելույթի ընթացքում Մամեդովը պատասխանել է ներկաների հարցերին: «Լարվածությունը Հայաստանի և Ադրբեջանի միջև ստեղծվել է ժողովրդին մոռացնել տալու համար գոյություն ունեցող հարցերը: Քարոզչական անբողջ մեքենան ուղղված է հակահայ զգացումներ առաջացնելուն: Մա կոմունիստական կուսակցության քաղաքականությունն է, որը թիկունք է կանգնում իսլամիզմին, ինչը կարող է առաջնորդել իսլամական անբողջասիրությանը: Ադրբեջանում

զինվորական ու քաղաքական իրավակարգը ամեն ինչ անում է ընդդիմանալու համար ղեկավարատական ուժերին: Կարող ենք հայտարարել, թե խորհրդարան չկա Ադրբեջանում: Թեև, այսպես ասած, բնորոշություններ կատարվեցին, սակայն արդյունքները խեղաթյուրված էին»:

Խոսելով Լեռնային Ղարաբաղի մասին, Մամեդովը պատասխանեց.

«Ժողովրդական ճակատն ունի իր ծրագիրը Լեռնային Ղարաբաղի հարցի նկատմամբ: Այդ հարցը կարող է լուծվել միայն Ադրբեջանի և Հայաստանի միջև: Այնքան ժամանակ, քանի դեռ Ադրբեջանն ու Հայաստանը մաս են կազմում Միության, այդ հարցը չի կարող լուծում գտնվել: Կենտրոնն ընդունում է, որ լարվածությունն ստեղծվում է Խ. Միության պայմանագիրը պարտադրելու նպատակով: Լեռնային Ղարաբաղի հարցը կարող է լուծվել միայն բանակցությունների ուղիով: Մինչև այն ժամանակ, քանի դեռ Հայաստանն ու Ադրբեջանը չդառնան ինքնիշխան պետություններ, այդ բանակցություններն անհնար են»:

Պատասխանելով շրջափակումի մասին տրված մի հարցի, Մամեդովն ասել է. «Նայեցեք քարտեզին, 47 կմ երկաթուղագիծը անցնում է Հայաստանից ու Նախիջևանից: Այսպես կոչված շրջափակումը



Ճադրանկարը՝ Winnipeg Free Press

նախամեքենայից հայերի կողմից: Մեր գնացքները ենթարկվում էին զնդակոծության: Խրոզությունն այն է, որ բանակը, որին վրստանվել էր այդ շրջանի ապահովությունը, մերժեց այն ստանձնել, որի հետևանքով զնացքները վարող մեքենավարները հրաժարվեցին աշխատել: Հետևաբար, շրջափակումը պատահեց ն'ւ Հայաստանին, ն'ւ Նախիջևանին: Հայերն այն վերածեցին քարոզչության, թե երկրաշարժից պատուհասված իրենց երկիրը ենթակա է շրջափակման»:

Ինչ վերաբերում է գազատարի փակումին, Մամեդովը դրա պատճառը նկատեց «հայ գրոհայինների» հարձակումը Ղազախի շրջանի ազերի գյուղերի վրա: «Որևէ ինքնիշխան պետություն իրավունք ունի պատասխանելու տնտեսական պատժամիջոցներով՝ այդպիսի գործողությունների դեմ», - եզրափակել է նա: